

PONT.
A. XII.

LV.

SAC. CONGREG. RITUUM

Decreta super modo utendi Indulto Pontificalium Capitulo et Canonicis Ecclesiæ Archiepiscopalis Urbinaten. olim a Sede Apostolica concessa, approbantur, et confirmantur.

BENEDICTUS EPISCOPUS

SERVUS SERVORUM DEI

*Ad perpetuam rei memoriam.*Procc.
mium.

IN Throno justitiæ super omnes Gentes Divina dispositione collocati, ad ea potissimum, quæ ab Ecclesiarum Præsulibus pro extirpandis in Ecclesia Dei exortis abusibus, utiliorique commissi Gregis gubernio, provida ratione prius ordinata, et postea a Venerabilium Fratrum nostrorum S. R. E. Cardinalium Almæ Urbis Congregationibus, quæ vocis nostræ organa sunt, decreta fuerunt, sollicitudinis, et vigilantia nostræ curas libenter convertimus; Illaque, dum Divino cultui, Pastoralique dignitati prodesse comperimus, Apostolicæ nostræ confirmationis robore communimus, prout arbitramur in Domino salubriter expedire.

Indultum a Benedicto XIII. Urbinaten. exhibita Nobis nuper petito continebat, quod aliàs, et postquam fel. rec. Benedictus Papa XIII. Prædecessor noster, per suas Litteras Apostolicas, tunc existentibus Capitulo, et Canonicis Ecclesiæ Urbinaten. ac Dignitates in ea obtinentibus, ut ipsi tam in Civitate, quàm in Diocesi Urbinaten., absente, vel præ-

ANNO
1752.

sente Archiepiscopo, sive interveniente Legationis Urbinatensis S. R. E. præfate Cardinali Legato de Latere, in Missis, Vesperis, ac Laudibus solemniter decantandis, ac etiam in Processionibus, Benedictionibus Candelarum, Cinerum, Palmarum, et Fontis Baptismalis, ac in reliquis Ecclesiasticis functionibus, in quibus sacra adhibentur Paramenta, Mitra, aliisque Indumentis, et Paramentis tantum ad instar Abbatum usum Mitræ habentium, uti liberè, et licitè possent, et valerent, Apostolica auctoritate perpetuò concesserat, et indulserat; eisque, ut in eorum Armis, et Insigniis Mitram apponi facere, et addere etiam valerent, licentiam, et facultatem dicta Apostolica auctoritate tribuerat, et impartitus fuerat; bon. mem. Thomas Maria Marelli, dum viveret, primum Archiepiscopus Urbinaten. et deinde Imolen. Episcopus, tempore, quo ipse dictæ Ecclesiæ Urbinaten. præsidebat, modum, et tenorem dictarum litterarum, tam in illarum interpretatione, quàm in decernenda earum executione, prætereundo, easdem litteras, plura, licet in eis non expressa, continere, et comprehendere declaravit in gravissimum dignitatis Archiepiscopalis præjudicium.

§. 2. Quapropter, ubi primum dictus Antonius Archiepiscopus præfate Ecclesiæ Urbinaten. certo tunc expresso modo Pastoris solatio destitutæ, eadem Apostolica auctoritate in Archiepiscopum præfectus fuit, sublatis prius per eum nonnullis abusibus in celebratione Divinorum Officiorum inventis, animum suum ad alios abusum, qui respiciebant usum Pontificalium, aliarumque prerogativarum exercitium, quas tunc existentes Capitulum, et Canonici dictæ Ecclesiæ, ac Dignitates in ea obtinentes sibi indebitè arrogaverant, removendos convertit. Idcirco dilecto Filio moderno dictæ Ecclesiæ Præposito significavit, quod ad iudicium Congregationis ejusdem S. R. E. Cardinalium super Ritibus Ecclesiasticis præpositorum deferri poterat,

Ejus Indulti intelligentia ultra debitos fines extenditur.

Lis, et controversia inter modernum Archiepiscopum, et Capitulum agitata coram Congreg. Sac. Rit.

PONT. quænam prærogativæ dilectis quoque Filiis Capitulo, et Canonicis dictæ Ecclesiæ, ac Dignitates in ea obtinentibus prædictis, vigore dicti Indulti, competere. Sed perspicuus ipse Antonius Archiepiscopus, quod Capitulum, et Canonici ejusdem Ecclesiæ, ac Dignitates in ea obtinentes præfati, moras neccendo, nil aliud cupiebant, quàm in possessione prætensarum prærogativarum se confovere, censuit, pro muneris sui debito, ac Archiepiscopalis Dignitatis defensione, singula controversiarum Capita, in infrascriptis 13. Dubiis disposita, et inter partes concordata, ac a dilecto similiter Filio nostro Prospero Sancti Georgii ad Velum aureum ejusdem S. R. E. Diacono Cardinali Columna de Sciarra nuncupato, in controversia hujusmodi Ponente, subscripta, eidem Congregationi proponere.

Dubia in §. 3. Quorum Dubiorum tenor est, qui sequitur, videlicet :
Congreg. proposita.

Primo : *An Dignitates, et Canonici Metropolitanæ Ecclesiæ Urbinaten. uti possint Annulo, Cruce pectorali cum gemmis, Caligis, Sandaliis, et Chyrothecis, præsertim auro ornatis, in casu etc.*

II. *An eadem Dignitates, et Canonici Pontificaliter celebrantes uti queant Faldistorio, et quatenus negativè, quomodo sedere debeant?*

III. *An Faldistorium debeat esse coopertum oloserico coloris currentis, seu simplici panno?*

IV. *An uti valeant Palmatoria, seu Bugia in Pontificalibus, et an in Missis lectis, seu privatis?*

V. *An liceat eisdem in Missa Pontificali Populum salutare, dicendo : Pax vobis, loco dicendi : Dominus vobiscum?*

VI. *An post Missas, Vesperas, aut Matutinum in Pontificalibus celebratum, possint ipsi solemnem dare Benedictionem, dicendo : Sit nomen Domini benedictum; seu potius simplicem Benedictionem tantum post Missam, dicendo :*

Benedicat vos Omnipotens Deus cum unico, seu cum trino signo Crucis?

ANNO
1752.

VII. *An Dignitates, et Canonici in Missis, aut Vesperis in Pontificalibus celebratis, benedicendo populum cum Sanctissimo Eucharisticæ Sacramento, dare possint trinam Benedictionem, vel unicam tantum dare debeant?*

VIII. *An eadem Dignitates, et Canonici induti Mitra, aliisque Paramentis ad instar Abbatum, etiamsi Missas, aut Vesperas in Pontificalibus non celebraverint, dare possint trinam Benedictionem?*

IX. *An possint Pontificaliter celebrare Missas in Ecclesiis Monialium absque consensu Archiepiscopi?*

X. *An in vestitionibus, et velationibus Monialium factis de commissione Archiepiscopi, uti possint Mitra?*

XI. *An in Metropolitana Ecclesia uti possint Mitra, et Pontificaliter celebrare, in Missis Defunctorum?*

XII. *An in Insigniis, et Armis suæ Familicæ, apposis, vel apponendis in Paramentis sacris, aliisque rebus Ecclesiam concernentibus, loco Mitræ, vel unâ cum ipsa, Pileum apponere valeant?*

XIII. *An dictæ Dignitates, et Canonici in Processionibus Sanctissimi Corporis Christi incedere possint capite Mitru cooperto?*

§. 4. Et Sacra eadem Congregatio, utraque Parte scripto et voce informante audita, visisque Cardinalis Ponentis, rescribendum censuit.

Ad Primum : *Affirmativè juxta modum : modus est, quod in Missis solemniter decantandis solus Celebrans uti possit enuntiatis Indumentis auro non ornatis, nec non annulo cum unica gemma, et Cruce pectorali sine gemmis, et amplius.*

Ad II. *Negativè, et sedere debeant in scamno cooperto tapete, vel panno currentis coloris, et amplius.*

Rescripta
super sin-
gulis præ-
missis du-
biis edita.

- POBT. Ad III. *Provisum in secundo, et ampliùs.*
 A. XII. Ad IV. *Negativè, et ampliùs.*
 Ad V. *Negativè, et ampliùs.*
 Ad VI. *Negativè ad primam partem, affirmativè ad secundam, cum unico signo, et ampliùs.*
 Ad VII. *Negativè ad primam partem, affirmativè ad secundam, cum unica tantùm et ampliùs.*
 Ad VIII. *Negativè, et ampliùs.*
 Ad IX. *Negativè, et ampliùs.*
 Ad X. *Negativè, et ampliùs.*
 Ad XI. *Negativè, et ampliùs.*
 Ad XII. *Affirmativè quoad Mitram tantùm, et ampliùs.*
 Ad XIII. *Negativè, et ampliùs.*
Et ita decrevit, ac servari mandavit die 29. Januarii 1752.

*M. Marefuscus Sac. Rituum
 Congr. Secretarius.*

Archiepiscopus
 supplicat
 pro confirmatio-
 ne Apostolica.

§. 5. Cum autem, sicut eadem petitio sub-
 jungēbat, ea, quæ Sedis Apostolicæ munimine
 roborantur, firmiùs subsistant, et exactiùs ab
 omnibus observari soleant; proptereaque dictus
 Antonius Archiepiscopus, ne adversus decre-
 tum, et mandatum ab eadem Congregatione
 super præmissis, ut præfertur, edita, quidquam
 unquam sub quovis prætextu a modernis, et
 pro tempore existentibus Capitulo, et Canonici
 dictæ Ecclesiæ, ac Dignitates in ea obti-
 nentibus, opponi, seu illa impugnari, aut eis
 contradici queat, plurimum cupiat, decretum,
 et mandatum hujusmodi, pro majori illorum
 validitate, et subsistentia, ac inviolabili obser-
 vantia, per Nos, et Sedem Apostolicam præ-
 fatam perpetuò, ut infra, opportunè appro-
 bari, et confirmari: quare pro parte prædicti
 Antonii Archiepiscopi Nobis fuit humiliter sup-
 plicatum, quatenùs ei in præmissis opportunè
 providere de benignitate Apostolica dignaremur.

Pontifex
 præmissa
 approbat

§. 6. Nos igitur, qui dignum et rationi con-
 sonum arbitramur, honestis votis, et petitio-
 nibus hujusmodi annuere et abusus prædictos,
 potiùs

potiùs a vanitate, quàm a pietate Ministrorum
 introductos, remove sinceris desideramus af-
 fectibus, eidem Antonio Archiepiscopo specia-
 lem gratiam facere volentes, illiusque zelum,
 et pietatem debitis laudibus commendantes, ip-
 sumque a quibusvis suspensionis, et interdicti,
 aliisque Ecclesiasticis sententiis, censuris, et pœ-
 nis a jure, vel ab homine quavis occasione,
 vel causa latis, si quibus quomodolibet inno-
 datus existit, ad effectum præsentium dumtaxat
 consequendum, harum serie absolventes, et abso-
 lutum fore censentes, hujusmodi supplicationi-
 bus inclinati, decretum, et mandatum hujus-
 modi ab eadem Congregatione super præmissis,
 ut præfertur, edita, tanquam Dignitatis Archie-
 piscopalis respicientia, ac ad abusus in Ecclesia
 Dei removendos tendentia, Apostolica auctori-
 tate tenore præsentium perpetuò approbamus,
 et confirmamus, iisque perpetuæ, inviolabilis,
 et irrefragabilis Apostolicæ firmitatis robur,
 vim, et efficaciam adjicimus, illaque a præfatis
 modernis, et pro tempore existentibus Capitu-
 lo, et Canonicis dictæ Ecclesiæ, ac Dignitates
 in ea obtinentibus, aliisque omnibus, et sin-
 gulis, ad quos nunc spectat, et pro tempore
 quomodolibet spectabit in futurum, firmiter,
 et inviolabiliter observari, et adimpleri, nec
 ab illorum observantia, et adimplemento hu-
 jusmodi ullo unquam tempore resiliri, aut re-
 cedi debere.

§. 7. Easdemque præsentibus semper, et per-
 petuò validas, et efficaces existere, et fore, ac pro
 nullo unquam tempore de subreptionis, obre-
 ptionis, aut nullitatis vitio, seu intentionis no-
 stræ, vel alio quocumque defectu notari, im-
 pugnari, invalidari, retractari, aut in jus, vel
 controversiam vocari; nec sub quibusvis simi-
 lium, vel dissimilium gratiarum revocationibus,
 suspensionibus, limitationibus, derogationibus,
 aut aliis contrariis dispositionibus per Nos, et
 Sedem Apostolicam prædictam sub quibuscum-
 que tenoribus, et formis, ac cum quibusvis

ANNO
 1752.
 et confir-
 mat, ac
 perpetuò
 servari
 mandat.

Clausula
 pro per-
 petua præ-
 sentium
 Littera-
 rum vi-
 gore.

POSTR. A. XII. clausulis, et decretis, etiam Motu proprio factis, et faciendis comprehendi, vel confundi, sed semper ab illis excipi, et quoties illæ emanabunt, toties in pristinum, et validissimum statum restitutas, repositas, et plenariè reintegratas, ac de novo etiam sub quacumque posteriori data per præfatum Antonium Archiepiscopum, et successores suos dictæ Ecclesiæ Urbinaten. Præsules pro tempore existentes, quandocumque eligendos, concessas fore, et esse, suosque plenarios effectus sortiri, et obtinere.

Aliter
judicari
prohibetur. §. 8. Sicque, et non aliàs per quoscumque Judices Ordinarios, vel Delegatos quavis auctoritate fungentes, etiam Causarum Palatii Apostolici Auditores, ac præfatæ S. R. E. Cardinales etiam de Latere Legatos, Vice-Legatos, dictæque Sedis Nuncios, judicari, et definiri debere; et quidquid secus super his a quoquam quavis auctoritate scienter, vel ignoranter contigerit attentari, irritum, et inane decernimus.

Contra-
riis derogatur. §. 9. Non obstantibus quibusvis, etiam in Synodalibus, Provincialibus, Generalibus, Universalibusque Conciliis editis, vel edendis, specialibus, vel generalibus Constitutionibus, et Ordinationibus Apostolicis, et quatenus opus sit, dictæ Ecclesiæ Urbinaten. etiam juramento, confirmatione Apostolica, vel quavis firmitate alia roboratis, statutis, et consuetudinibus, Privilegiis quoque, Indultis, et Litteris Apostolicis, quibusvis personis in genere, vel in specie, aut aliàs in contrarium præmissorum quomodolibet forsitan concessis, confirmatis, et innovatis, quibus omnibus, et singulis, etiamsi de illis specialis, specifica, et expressa mentio habenda, aut aliqua alia exquisita forma ad hoc servanda foret, eorum tenores præsentibus pro plenè, et sufficienter expressis, et insertis habentes, illis aliàs in suo robore permansuris, latissimè, et plenissimè, ac specialiter, et expressè, necnon opportunè, et validè, ad præmissorum validissimum effectum, hac vice dum-

taxat, harum quoque serie derogamus, cæterisque contrariis quibuscumque. ANNO 1752. Sanctio.

§. 10. Nulli ergo omnino hominum liceat hanc paginam nostræ absolutionis, approbationis, confirmationis, roboris adjectionis, decreti, et derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri et Pauli Apostolorum ejus se noverit incursum.

Datum Romæ apud Sanctam Mariam Majori. Dat. die rem Anno Incarnationis Dominicæ MDCCLII. 28. Febr. tertio Kalendas Martii, Pontificatus Nostri Anno 1752. Duodecimo.

J. C. Travagli.

X.

I. Miliatus.

I. Smachers.

Loco ✠ Plumbi.

L. Eugenius.



PONT.
A. XII.

LVI.

INDULGENTIARUM

Nova concessio, pro personis Sæcularibus utriusque Sexus, tam Tertio Ordini S. Francisci de Paula adscriptis, quàm Chordigeris ejusdem Sancti Funiculum Benedictum deferentibus.

BENEDICTUS EPISCOPUS

SERVUS SERVORUM DEI.

*Ad perpetuam rei memoriam.*Procc.
mium.

INEXHAUSTI Ecclesiæ Thesauri administrationem et dispensationem, Dei voluntate Nobis commissam, summa, qua decet, fide, ac diligentia gerere satagentes, dubia quæque, et incertitudines circa Indulgentias, et spirituales Gratias a Romanis Pontificibus Prædecessoribus nostris, piis maximè Personarum cœtibus concessas, ne Christifidelium animi nutantes in incerta ferantur, ac ob id eorum languescat charitas et fides, declarare, ac etiam quandoque novis ex integro factis concessionibus, de medio tollere non omisimus; et quoties id ipsum similes causæ Nobis fidenter expositæ suadere dignoscuntur, eandem viam insistentes, spiritualibus piorum Institutorum profectibus, et Christifidelium devotioni consulere non recusamus.

Instantia
facta Pon-
tifici pro
nova con-
cessione
Indulgen-
tiarum

§. 1. Cùm itaque dilectus Filius Julius Malmusius Presbyter Ordinis Sancti Francisci de Paula Minorum nuncupatorum expressè Professus, ejusdemque Ordinis modernus Procurator Generalis, seu Zelosus nuncupatus, Nobis nuper supplicaverit, ut Indulgentias, et pecca-

torum remissiones Personis utriusque sexus Sæcularibus, tam *Tertiariis* nuncupatis, quàm aliis Cingulum laneum dicti S. Francisci gerentibus, *Chordigeris* nuncupatis, competentes, quemadmodum Nos ipsi superiori anno ad præfiniendas Indulgentias Fratrum, et Sororum Tertii etiam Ordinis Sæcularis S. Francisci de Assisio nuncupati peculiaribus nostris Litteris incipientibus: *Ad Romanum Pontificem*: sub datum Romæ apud Sanctam Mariam Majorem Idibus Martii, Pontificatus Nostri Anno undecimo præstitimus, præfinire etiam et edicere dignæmur; Nos dicti Julii supplicationem non modo congruam, sed etiam necessariam quodammodo agnoscentes, ex quo videlicet Ven. Dei Famulus Innocentius Papa XI. Prædecessor noster in generali Decreto super Indulgentiis die VII. Martii Anni Domini MDCLXXXVIII. per ipsum edito, inter apocryphas Indulgentias, nonnullas etiam recensendas judicavit, quæ in aliquibus tunc impressis Foliis asserebantur iis concessæ, qui Cingulum prædicti S. Francisci de Paula gerentes, *Chordigeri* dicuntur; ipsius Julii precibus annuentes, Tertiariorum tamen seorsim a Chordigeris hujusmodi ratione habita, circa Indulgentias, tam illis, quàm hisce deinceps competituras, harum nostrarum Litterarum tenore, ut infra, stabilire in Domino judicavimus.

§. 2. Sanè præter Regulam Fratrum sui Ordinis, Minimis nuncupatis, nec non Monialibus, præstitutam, idem Sanctus Franciscus de Paula, exemplum forsitan prædicti Sancti Francisci de Assisio præ oculis habens, aliam quoque utriusque sexus Sæcularibus Personis, Tertiariis, ut præfertur, nuncupatis, aptatam edidit Regulam, ab Alexandro VI. et Julio II. Romanis Pontificibus etiam Prædecessoribus nostris, ut accepimus, approbatam. Cui quidem Regulæ, ac Tertio Ordini Sancti Francisci de Paula, omissis iis, quæ de aliis illustribus Personis enarrantur, adscriptum olim et aggregatum fuisse novimus S. Franciscum Salesium Episco-

ANNO
1752.
Tertiariis
S. Fran-
cisci de
Paula, et
illius
Chordige-
ris.Pontifex
agnoscit
hujus in-
stantiæ
necessita-
tem, et
precibus
annuit,
Tertiario-
rum a
Chordige-
ris seorsim
habita-
ratione.De Regu-
la Tertia-
riis a S.
Francisco
de Paula
proposita

PONT. Vita per Augustum etiam Salesium illius ex
A. XII. Fratre Nepotem conscripta Lib. IX. pag. 405.
*Cinctus est igitur in Monasterio Divi Andreae ab
Antonio Biliaco Superiore, et in Fratrum nume-
rum relatus etc. Deinceps cum ex Minimis ali-
quos inter eundem offenderet. Cingulum illud
trahens ex perula: Videte, inquit, num ego
Frater vester sim; atque re vera, non solo no-
mine, sum Minimus.*

Tertiariis
utriusque
sexus Sæ-
cularibus
Indulgen-
tias in-
dulget, id
est Plena-
riam in
ingressu,
et quater
in anno,
ac in mor-
tis articu-
lo.

§. 3. Hisce igitur utriusque sexus Sæcularibus Personis prædictam Regulam S. Francisci de Paula pro Tertiariis conditam professuris, et in Tertium Ordinem hujusmodi ingressuris, die eorum, et earum ingressus, si verè pœnitentes, et confessi, Sanctissimum Eucharistiæ Sacramentum sumpserint, Plenariam, nec non iisdem nunc et pro tempore existentibus ejusdem Tertii Ordinis Fratribus, et Sororibus, verè pœnitentibus, et confessis, ac Sacra Communione refectis, qui in Dedicacionis S. Michaëlis Archangeli, ac in ejusdem S. Francisci de Paula, et dicti S. Francisci Salesii, nec non Commemorationis Sanctorum Omnium die prima Novembris Festis diebus, a primis Vesperis usque ad occasum Solis dierum hujusmodi, Ecclesiam aliquam Ordinis Fratrum Minimorum prædictorum, vel in ejus defectum, in Civitate vel loco, ubi ipsi tunc degent, aliam quamcumque hujusmodi Civitatis, vel loci Ecclesiam devotè visitaverint, et inibi pro Christianorum Principum concordia, hæresum extirpatione, et Sanctæ Matris Ecclesiæ exaltatione pias ad Deum preces effuderint; singulis præfatis diebus, quibus id egerint, etiam Plenariam; in cujuslibet verò eorum mortis articulo, si verè pariter pœnitentes, et confessi, ac sacra Communione refecti, vel quatenus id facere nequiverint, saltem contriti, Sanctissimum JESU Nomen, ore, si potuerint, sin minus corde, devotè invocaverint, Plenariam similiter omnium peccatorum suorum Indulgen-

tiam, et remissionem misericorditer in Domino ANNO concedimus, et impertimur. 1752.

§. 4. Iisdemque tam in Civitatibus, et locis, ubi dictæ Ecclesiæ Fratrum Ordinis Minimorum existunt, quàm alibi ubivis commorantibus, qui singulis Quadragesimalibus, et aliis Anni diebus, in quibus Stationes Ecclesiarum Urbis et extra illius muros sitarum occurrunt, prout in Missali Romano descriptæ sunt, aliquam primodicti Ordinis, si ibi fuerit, alioquin aliam ejusdem Civitatis, vel loci, ubi eos pro tempore residere, vel morari contigerit, Ecclesiam devotè visitaverint, et, ut præfertur, oraverint, ut easdem Indulgentias consequantur, quas consequerentur, si iisdem Stationum temporibus et diebus, singulas Ecclesias dictæ Urbis, et extra illius muros hujusmodi, pro iisdem Stationibus, et Indulgentiis consequendis destinatas, personaliter visitarent, concedimus, et indulgemus. Et Indulgentias Stationum Urbis.

§. 5. Ipsis quoque verè pœnitentibus, et confessis, sacraque Communione refectis, qui in Festis Nativitatis Domini Nostri JESU CHRISTI Resurrectionis Dominicæ, et Pentecostes, ac Nativitatis, Annunciationis, Purificationis, et Assumptionis Beatissimæ Virginis Mariæ, Apparitionis S. Michaëlis Archangeli, nec non Sanctorum Apostolorum Petri et Pauli, Andreae, Jacobi, Joannis, Thomæ, Philippi et Jacobi, Bartholomæi, Matthæi, Simonis et Judæ, et Mathiæ, aliquam Ecclesiam, ut supra, visitaverint, ibique, ut præfertur, oraverint, quo die præfatorum id egerint, septem annos et totidem Quadragenas de injunctis eis, vel aliàs quomodolibet debitis pœnitentiis in forma Ecclesiæ consueta relaxamus. Ac in aliis 18. diebus 7. annorum etc.

§. 6. Quo verò ad alios supradictos ejusdem S. Francisci de Paula *Chordigeros* nuncupatos, digeros qui non quidem Regulam Tertii Ordinis ipsius Sancti Francisci profitentur, sed Cingulum, seu Funiculum laneum ab aliquo ex Fratribus primodicti Ordinis Professis, seu alio quocum-

PONT.
A. XII.

que, ad id a Superioribus Regularibus deputato, benedictum, sibi que cinctum deferunt: Etsi de hac Institutione nullum extet authenticum monumentum, et piè solummodo credatur, prædictum Sanctum Fundatorem adhuc in humanis agentem, Personis utriusque sexus devota ad eum affectione et obsequio recurrentibus, licet in prædicto Tertio Ordine nequam professis, Cingulum seu Funiculum laneum a se benedictum, ac illi similem, quem ipse deferebat, dare solitum fuisse; Certum porrò est, subsequentibus temporibus pium hunc morem magis magisque invaluisse; Cumque Romani Pontifices prædecessores nostri hac de re edocti, ac Ecclesiarum Præsules id ipsum in suis Civitatibus et Diocesisibus factitari non ignorant, nunquam piæ huic Institutioni obstandum, aut adversandum judicaverint; Nos sanè nullum eidem obstaculum aut impedimentum afferre intendimus; sed ad omnem tollendam confusionis occasionem, quemadmodum iis, qui supradictum Tertium Ordinem Sancti Francisci de Paula profitentur, proprias Indulgentias harum serie impertiti fuimus; ita et alterius Instituti Personis, quæ simpliciter Cingulum seu Funiculum prædictum deferunt, Chordigerique nuncupantur, ipsarum præsentium tenore, proprias quoque, ac certas ab

Eis proprias Indulgentias assignare decrevimus.

§. 7. Cæteris igitur utriusque sexus Christianis fidelibus, etiamsi Tertium Ordinem prædictum professi non fuerint, qui cingulum seu Funiculum laneum, quem vocant S. Francisci de Paula, a modernis et pro tempore existentibus Ordinibus Minimorum Superioribus, vel ab alio Presbytero ejusdem Ordinis Professore, seu alio quocumque ab iisdem Superioribus deputato benedictum, et ab eis susceperint, eadem die, qua verè pœnitentes et confessi, ac Sacra Communione refecti, primò id egerint, Plenariam: Præterea eisdem utriusque sexus Chor-

digeris verè quoque pœnitentibus, et confessis ac Sacra Communione refectis, qui in Festo prædicti S. Francisci de Paula, a primis Vesperis usque ad occasum Solis, Ecclesiam aliquam Fratrum Ordinis Minimorum, vel in ejus defectum aliam quamcumque Civitatis vel Loci, ubi eos pro tempore degere contigerit, devotè visitaverint, ibique, ut præfertur, oraverint, etiam Plenariam: Item eisdem, dum in articulo mortis constituti, verè pœnitentes, et confessi, ac Sacra Communione refecti, vel quatenus id facere nequiverint, saltem contriti, Sanctissimum JESU Nomen corde, si ore non potuerint, devotè invocaverint, itidem Plenariam omnium peccatorum suorum remissionem et Indulgentiam concedimus et impertimur: Nec non, ut quisquis eorum et earum, præfatum Cingulum seu Funiculum benedictum deferens, semel in die, si in honorem Domini Nostri JESU CHRISTI, et Sanctorum Apostolorum ejus, pias, ut præfertur, preces effuderint, quo die id egerint, Centum dierum Indulgentiam consequatur, concedimus pariter et indulgemus.

§. 8. Denique tam primodicti Tertii Ordinis, quam alterius pii Instituti prædicti Personis Sæcularibus utriusque sexus, quoties ipsi, et quilibet eorum Missis et aliis Divinis Officiis in Ecclesiis celebrandis, et recitandis devotè interfuerint, ac pauperes hospitio susceperint, vel pacem inter inimicos composuerint, seu componi fecerint, vel procuraverint, vel etiam, qui corpora Defunctorum ad sepulturam associaverint, aut quascumque Processiones de licentia Ordinarii faciendas, Sanctissimumque Eucharistiæ Sacramentum, tam in Processionibus, quam cum ad infirmos, vel aliàs quocumque et quandocumque pro tempore deferretur, comitati fuerint, vel impediti, Campanæ ad id signo dato, semel Orationem Dominicam, et Salutationem Angelicam dixerint, aut quinque Orationem et Salutationem eamdem pro

ANNO
1752.

Et pro aliquibus precibus Centum dierum quotidianam.

Indulgentias item communiter Tertiaris et Chordigeris concedit, id est LX. dierum pro singulis operibus piis.

PONT. A. XII. necessitatibus Sanctæ Matris Ecclesiæ, sive pro Animabus Defunctorum tam ejusdem Tertii Ordinis, quàm Chordigerorum præfatorum recitaverint, aut devium aliquem ad viam salutis reducerint, et ignorantes præcepta Dei, et quæ ad salutem sunt, docuerint, aut quodcumque aliud pietatis, vel charitatis opus exercuerint; Toties pro quolibet prædictorum operum exercitio, sexaginta dies de injunctis eis, seu aliàs quomodolibet debitis pœnitentiis in forma Ecclesiæ consueta relaxamus.

Omnes Indulgentias, ut concessas applicari posse Animabus Purgatorii permittit. §. 9. Eisdemque non solum Tertiariis, sed etiam Chordigeris, ut omnes et singulas Indulgentias, et peccatorum seu pœnarum resupra, missiones et relaxationes hujusmodi, ab ipsis, ut præfertur, respectivè consequendas, etiam pro Animabus Christifidelium Defunctorum, quæ Deo in charitate conjunctæ ex hac luce migraverint, per modum suffragii applicare possint, misericorditer in Domino concedimus et indulgemus.

Revocat omnes alias Indulgentias Tertiariis et Chordigeris concessas. §. 10. Cæterum alias omnes et singulas Indulgentias et peccatorum remissiones Personis utriusque sexus tam prædicto Tertio Ordini S. Francisci de Paula adscriptis, quàm Chordigeris præfatis, sive directè et immediatè, sive promiscuè, aut alio quocumque modo, etiam per communicationem cum Minorum prædictorum, et aliorum Mendicantium Fratrum Ordinibus, tam vigore Privilegiorum, et Litterarum Apostolicarum, quàm vivæ vocis oraculo, aut aliàs quovis modo per quoscumque Romanos Pontifices Prædecessores nostros, ac Nos, et Apostolicam Sedem hactenus concessas, confirmatas, approbatas, et innovatas, eisque hucusque competentes, seu per eos præsentas, earundem præsentium tenore revocamus, cassamus, abolemus, annullamus, et abrogamus.

Clausulæ §. 11. Præsentes autem Litteras, tam quoad concessionem superius factas, quàm quoad revocationem, et abolitionem hujusmodi, etiamsi

eidem Tertio Ordini S. Francisci de Paula adscripti, et Chordigeri præfati, seu alii quicumque in præmissis interesse habentes, vel habere quomodolibet prætendentes, eisdem non consenserint, nec ad ea vocati aut auditi fuerint, nullo unquam tempore impugnari, seu de voluntatis nostræ defectu, aut subreptionis, obreptionis, aliove quolibet vitio notari; vel adversus eas aperitionis oris, restitutionis in integrum, aliudve juris vel facti remedium impetrari posse: sed semper et perpetuè firmas et efficaces existere et fore, suosque plenarios et integros effectus sortiri et obtinere, ac iis, quorum favorem concernunt, in omnibus et per omnia plenissimè suffragari, et respectivè ab iis, ad quos pertinet, inviolabiliter observari; sicque, et non aliter, per quoscumque Judices Ordinarios, et Delegatos, etiam S. R. E. Cardinales Indulgentiis et Sacris Reliquiis præpositos, aliosque etiam de Latere Legatos, et Apostolicæ Sedis Nuntios, de præmissis judicari, interpretari, ac definiri debere decernimus, atque irritum et inane si secus a quoquam cujuslibet auctoritatis præsidio scienter vel ignoranter contigerit attentari.

§. 12. Quocirca Venerabilibus Fratribus nostris Ecclesiarum Episcopis, aliisque Locorum Ordinariis, nec non prædictæ Apostolicæ Sedis Nuntiis, et S. Officii Inquisitoribus, harum quoque serie, et dicta auctoritate committimus et mandamus, ut nullas alias Indulgentias, seu peccatorum remissiones, præter præmissas, per quoscumque, tanquam prædicto Tertio Ordini S. Francisci de Paula, et Chordigeris hujusmodi, specialiter, et intuitu eorum Instituti, competentes, vulgari, nunciari, aut proponi permittant: Sed ipsarum præsentium tenorem per ipsos fideliter, ut par est, observari faciant; Et si qui fortè contumaces, vel rebelles fuerint, aut quovis modo præsentibus contradixerint, omnibus juris remediis, appellatione postposita, compescant.

PONT. §. 13. Non obstantibus Constitutionibus et
A. XII. Ordinationibus Apostolicis, nec non Nostra, et
Derogatio Contrariis non tollendo, ac ejusdem Tertii Ordinis S. Francis-
cisci de Paula, ac, si quæ sint, prædictorum
Chordigerorum, etiam juramento, confirma-
tione Apostolica, vel quavis firmitate alia ro-
boratis statutis, et consuetudinibus: Privilegiis
quoque, Indultis, et Litteris Apostolicis præ-
dicto Tertio Ordini S. Francisci de Paula, et
Personis ei adscriptis in contrarium præmisso-
rum forsitan concessis, confirmatis, et innova-
tis: Quibus omnibus et singulis, etiamsi pro
illorum sufficienti derogatione, de illis, eorum-
que totis tenoribus, specialis, specifica, et ex-
pressa, ac de verbo ad verbum, non autem
per clausulas generales idem importantes, men-
tio, seu quævis alia expressio habenda foret,
tenores hujusmodi præsentibus pro expressis
habentes, illis aliàs in suo robore permansu-
ris, specialiter et expressè derogamus, cæteris-
que contrariis quibuscumque.

Fides præ-
standa
transum-
ptis.

§. 14. Volumus autem, ut præsentium Tran-
sumptis etiam impressis, ac pro tempore exi-
stentis Procuratoris Generalis seu Zelosi dicti
Ordinis, vel alicujus Notarii publici manu
subscriptis, et alicujus Personæ in Dignitate
Ecclesiastica constitutæ, vel pro tempore etiam
existentis Correctoris Generalis ejusdem Ordi-
nis sigillo munitis, eadem fides adhibeatur,
quæ præsentibus ipsis haberetur, si forent
ostensæ.

Sanctio
pœnalis.

§. 15. Nulli ergo omnino hominum liceat
hanc paginam nostræ concessionis, impertiti-
onis, indulti, relaxationis, revocationis, aboli-
tionis, decreti, derogationis, et voluntatis in-
fringere, vel ei ausu temerario contraire. Si
quis autem hoc attentare præsumpserit, indi-
gnationem Omnipotentis Dei, ac Beatorum Pe-
tri, et Pauli Apostolorum ejus se noverit in-
cursum.

Datum Romæ apud S. Mariam Majorem Anno ANNO
Incarnationis Dominicæ MDCCLII. tertio Ka- 1752.
lendas Martii, Pontificatus Nostri Anno Duo- Dat. die
decimo. 28. Febr.
1752.

D. Card. Passioneus.

J. Datarus.

VISA DE CURIA.

J. C. Boschi.

J. B. Eugenius.

Loco ✕ Plumbi.

Registrata in Secretaria Brevium.



PONT.
A. XII.

LVII.

DE BONIS ECCLESiarUM,

Quæ semel ab Infidelibus occupata, deinde in Christianorum potestatem devenerunt.

Epistola ad Rev. P. Nicolaum Lercari Sac. Congregationis de Propaganda Fide Secretarium conscripta, occasione Postulatorum a R. P. Archiepiscopo Antibarensi eidem Congregationi propositorum.

BENEDICTUS PAPA XIV.

Dilecte Fili, Salutem et Apostolicam Benedictionem.

URBEM Antibarum, italicè *Antivari*, eo nomine appellatam, propterea quod in ora illius regionis, quæ nunc *Albania* dicitur, contra Barium Apuliæ civitatem constituta sit, jamdudum, ut nosti, Othomanicæ Dominationis jugum premit, ab anno scilicet 1571. ut testatur Reipublicæ Venetæ Senator Jacobus Diedo in nitida, quam nuper edidit, Historia ejusdem Reipublicæ tom. 2. lib. 7. pag. 261. Neque Venetis datum est, illius possessionem recuperare, magno licet virtutis conatu, tum anno 1648. tum etiam anno 1717. in id incubuerint, ut idem Historicus prosequitur. De hac Urbe P. Daniel Farlatus tom. 1. *Illyrici Sacri, in Prolegomenis part. 2. cap. 5. §. 3. pag. 150.* ita scribit: *Antibarium Urbs priscis ignota, quod sæculis posterioribus condita fuit e regione Bari civitatis Apuliæ, a qua denominata est, quasi contra Barium; idemque Auctor subdit, Dioclea urbè in ruinis jacente, Archiepiscopalem illius titulum translatum fuisse Antibarum; et*

Antiba-
rensis Ci-
vitatìs
constitu-
tio et sta-
tus civilis
et Eccle-
siasticus.

ANNO
1752.

SOPRA I BENI

LVII.

Delle Chiese, occupati già dagl' Infedeli, e poi venuti in potere de' Cristiani.

Lettera scritta da N. S. a Monsig. Niccolò Lercari Segretario della Congregazione de Propaganda Fide, a motivo d' alcuni Quesiti proposti da Monsignor Arcivescovo d' Antivari alla stessa Congregazione.

BENEDICTUS PAPA XIV.

Dilecte Fili, Salutem et Apostolicam Benedictionem.

LA Città d' Antivari, che in latino dicesi *Della sit-
Antibarum*, per esser situata dirimpetto alla tuazione
Città di Bari, Città della Puglia, si ritrova della Cit-
come bene Ella sa, da molto tempo in qua, tà di An-
cioè dal 1571. sotto il giogo della Potenza Ot- tivari, e
tomana, come espone il moderno Senatore Gia- suo stato
como Diedo nella sua bella Storia della Repub- civile ed
blica di Venezia *al tom. 2. lib. 7. pag. 261.*, non Ecclesia-
essendo riuscito ai Veneziani nel 1648. e nem- stico.
meno nel 1717. di poterla ricuperare, ancorchè
con molto valore ne tentassero l' impresa, come
prosiegue lo stesso Storico. Il Padre Daniele
Farlato nel tom. 1. *del suo Illyrico Sacro nei
Prolegomeni part. 2. cap. 5. §. 3. pag. 150.* così
scrive: *Antibarium Urbs priscis ignota, quod
sæculis posterioribus condita fuit e regione Bari
Civitatis Apuliæ, a qua denominata est, quasi
contra Barium; e lo stesso Autore aggiugne,
essere stato trasferito da Dioclea, Città rovi-
nata, ad Antivari il titolo Arcivescovile, e leg-
gersi ancora in una Bolla d' Alessandro II. i*